

Великий покаянный канон

Любомудренная Анна молящися, / устне́ убо двизаше ко хвалению, / глас же ея не слышашеся; / но обаче неплодна сущи, / сына молитвы раждает достойна.

Помяни нас, Господи, / егда приидеши во Царствии Твоём.

В судиях спричтёся Аннино порождение, великий Самуил, / егже воспитала Армафема в дому́ Господни; / тому поревну́й, душе́ моя, / и суди прежде инех делá твоя́.

Помяни нас, Владыко, / егда приидеши во Царствии Твоём.

Давид на царство избран, / царски помазася рогом Божественнаго мира; / ты убо, душе́ моя, аще хощеши вышняго Царствия, / миром помажися слезами.

Помяни нас, Святы́й, / егда приидеши во Царствии Твоём.

Помилуй создание Твоё, Милостиве, / ущедри руку́ Твоёю творение / и пощади вся согрешившия, / и мене́ паче всех, Твоих презревшаго повелений.

Слава Отцу́ и Сыну / и Святому́ Духу.

Безначальну, и рождению же, и происхождению, / Отцу́ покланяюся рождшему, / Сына славлю рождённого, / пою́ сопросиявшаго Отцу́ же и Сыну, Духа Святаго.

И ныне и присно / и во веки веков. Аминь.

Престественному Рождеству́ Твоему́ покланяемся, / по естеству́ славы Младенца Твоего́ не разделяюще, Богородительнице: / Иже бо Един Лице́м, / сугубыми исповедуется естество́.

Песнь 7

Ирмос:

Со - гре - ши - хом, без - за - кон - но - ва - хом, не - прав - до - ва - хом

пред Го - бо - ю, ни - же соб - лю - до - хом, ни - же со - тво - ри - хом,

В четверток на утрени

я - ко - же за - по - ве - дал е - си нам, но не пре -

даждь нас до кон - ца, от - цев Бо - же.

Помілуй мя, Бóже, помілуй мя.

Согрешіх, беззакóнновах и отверго́х за́поведь Твою́, я́ко во гресéх произведóхся, и приложіх я́звам стру́пы себе́; но Сам мя помілуй, я́ко благоутрóбен, отцéв Бóже.

Тайная сéрдца моего́ исповéдах Тебé, Судий моему́, виждь моé смирénие, виждь и скорбь мою́, и вонми́ суду́ моему́ ны́не, и Сам мя помілуй, я́ко благоутрóбен, отцéв Бóже.

Саул иногда́, я́ко погуби́ отцá своего́, душе́, осля́та, внезапу ца́рство обрéте к прослу́тию; но блюди́, не забыва́й себе́, скóтския по́хоти твоя́ произво́ливши па́че Ца́рства Христо́ва.

Давид иногда́ богоотéц, а́ще и согреші сугу́бо, душе́ моя́, стрело́ю ўбо устрелén быв прелюбодéйства, копие́м же пленén быв убійства томлénием; но ты сама́ тяжча́йшими дéлы недугуеши, самохóтными стремлénьми.

Совокупі ўбо Давид иногда́ беззакóннью беззакóние, убійству же любодéйство растворів, пока́ние сугу́бое показá а́бие; но сама́ ты, лука́внейшая душе́, соделала еси́, не пока́явшись Бóгу.

Давид иногда́ вообрази́, списав́ я́ко на икóне песнь, ёуже дея́ние облича́ет, е́же соде́я, зовы́й: помілуй мя, Тебé бо Еди́ному согрешіх всех Бóгу, Сам очисти́ мя.

Кивóт я́ко ноша́шеся на колесни́це, Зан óный, егда́ превращшуся тельцу́, то́чию косну́ся, Бóжиим искуси́ся гнэ́вом; но того́ дерзновénия убежа́вши, душе́, почита́й Божéственная чéстне.

Великий покаянный канон

Слышала еси Авессалома, како на естество воста, познала еси того скверная деяния, имиже оскверни ложе Давида отца; но ты подражала еси того страстная и любосластная стремления.

Покорила еси неработное твое достоинство телу твоему, ино бо Ахитофела обрети врага, душе, снизшла еси сего советом; но сия разсыпа Сам Христос, да ты всяко спасешися.

Соломон чудный и благодати премудрости исполненный, сей лукавое иногда пред Богом сотворив, отступи от Него; ему же ты проклятым твоим житием, душе, уподобилася еси.

Сластьми влеком страстей своих, оскверняшеся, увы мне! рачитель премудрости, рачитель блудных жен, и странен от Бога; его же ты подражала еси умом, о душе, сладострастьми скверными.

Ровоаму поревновала еси, не послушавшему совета отца, купно же и злейшему рабу Иеровоаму, прежнему отступнику, душе. Но бегай подражания и зови Богу: согреших, ущедри мя.

Ахаавовым поревновала еси сквернам, душе моя, увы мне! была еси плотских скверн пребывалище и сосуд срамлен страстей; но из глубины твоея воздохни и глаголи Богу грехи твоя.

Попали Илия иногда двасти пятьдесят Иезавелиных, егда студныя пророки погуби во обличение Ахаавово; но бегай подражания двою, душе, и укрепляйся.

Заклучися тебе небо, душе, и глад Божий постиже тя, егда Илии Фесвитянина, якоже Ахаав, не покорися словесем иногда; но Сараффии уподобися, напитай пророчу душу.

Манассиева собрала еси согрешения изволением, поставльши, яко мерзости, страсти и умноживши, душе, негодование; но того покаянию ревнующи тепле, стяжи умиление.

Припадаю Ти и приношу Тебе, якоже слезы, глаголы моя: согреших, яко не согреши блудница, и беззаконновах, яко иной никтоже на земли; но ущедри, Владыко, творение Твое и воззови мя.

Погребох образ Твой и растлих заповедь Твою, вся помрачися доброта, и страстьми угасися, Спасе, свеща; но, ущедрив, воздаждь ми, якоже поет Давид, радование.

Обратися, покайся, открый сокровенная, глаголи Богу, вся ведущему: Ты веси моя тайная, едина Спасе; но Сам мя помилуй, якоже поет Давид, по милости Твоей.

Исчезоша дни мои, яко соние встающего; темже, яко Езекия, слезю на ложи моем, приложитися мне летом живота; но кий Исаяя предстанет тебе, душе, аще не всех Бог?

В четверток на утрени

Преподобная мати Маріе, моли́ Бóга о нас.

Возопівши к Пречістей Богомáтери, пёрвее отринула есі неістовство страстéй, нўжно стужа́ющих, и посрами́ла есі врага́ запéншаго; но даждь ны́не по́мощь от скóрби и мне, рабу́ твоєму́.

Преподобная мати Маріе, моли́ Бóга о нас.

Его́же возлюби́ла есі, Его́же возжелéла есі, Его́же ра́ди плоть изнури́ла есі, преподобная, моли́ ны́не Христа́ о рабéх, я́ко да мило́стив быв всем нам, мирное состоя́ние да́рует почита́ющим Его́.

Преподобне óтче Андрéе, моли́ Бóга о нас.

На ка́мени мя véры моли́твами твоими утверди́, óтче, стра́хом мя Божéственным огражда́я, и пока́ние, Андрéе, пода́ждь ми, молю́ся ти, и изба́ви мя от сéти враго́в, и́щущих мя.

Сла́ва Отцу́ и Сы́ну и Свято́му Ду́ху.

Тро́ице Прóстая, Нераздéльная, Единосу́щная и Естество́ Еди́но, Сvéтове и Свет, и Свя́та Три, и Еди́но Свя́то поéтся Бог Тро́ица; но воспóй, просла́ви Живóт и Животы́, душе́, всех Бóга.

И ны́не и прісно и во véки веко́в. Амíнь.

Поём Тя, благословім Тя, покланя́емся Ти, Богороди́тельнице, я́ко Неразлу́чныя Тро́ицы породила́ есі Еди́наго Христа́ Бóга и Сама́ отvéрзла есі нам, сущим на земли́, Небéсная.

Песнь 8

Трипéснец, глас 8:

Ирмос (читается): Безнача́льнаго Царя́ сла́вы, Его́же трепéщут Небéсныя сі́лы, по́йте, священни́цы, лóдие, превозносите во вся véки.

Святіи апóстоли, моли́те Бóга о нас.

Я́ко у́глие невещéственного огня́, попалі́те вещéственные стра́сти моя́, возжиза́юще ны́не во мне желáние Божéственные любвé, апóстоли.

Святіи апóстоли, моли́те Бóга о нас.

Трубы́ благогласныя Сло́ва почтíм, и́миже падо́ша стéны неутвержде́ны вра́жия и богоразу́мья утверди́шася забра́ла.

Святіи апóстоли, моли́те Бóга о нас.

Куміры стра́стныя души́ моея́ сокруші́те, и́же хра́мы и столпы́ сокруші́те врага́, апóстоли Господни, хра́мове освященни́и.

Пресвята́я Богороди́це, спаси́ нас.

Вместі́ла есі Невместі́мага естество́м, носі́ла есі Нося́щаго вся, дойла есі, Чі́стая, пита́ющаго тварь Христа́ Жизнода́вца.

Великий покаянный канон

Иный трипеснец, ирмос тойже: Безначальнаго Царя:

Святїи апостоли, молїте Бѳга о нас.

Духа началохитростием создавше всю Церковь, апостоли Христовы, в ней благословїте Христа во веки.

Святїи апостоли, молїте Бѳга о нас.

Вострубивше трубою учений, низвергоша апостоли всю лесьть идольскую, Христа превозносяще во вся веки.

Святїи апостоли, молїте Бѳга о нас.

Апостоли, доброе преселение, назирателие мира и небеснии жителїе, вас присно восхваляющия избавите от бед.

Пресвятая Троице, Бѳже наш, слава Тебѳ.

Трисолнечное Всесветлое Богочалие, Единославное и Единопрестольное Естество, Отче Вседетелю, Сыне и Божественный Душе, пою Тя во веки.

Пресвятая Богородице, спасї нас.

Яко честный и превышший престол, воспоим Божию Матерь непрестанно, людїе, едину по рождестве Матерь и Дѳву.

И паки Великаго канона ирмос и тропари.

Е - го - же во - ин - ства Не - бес - на - я сла - вят

и тре - пе щут Хе - ру - ви - ми и Се - ра -

фи - ми, вся - ко ды - ха - ни - е и тварь, пой -

В четверток на утрени

Помілуй мя, Бóже, помілуй мя.

Согрешівша, Спáсе, помілуй, воздвігни мой ум ко обрацѣнію, приими мя кающагося, ущѣдри вопіюща: согрешіх Ти, спасі, беззакóнновах, помілуй мя.

Колеснічник Илія́, колесніцею добродѣтелей вшед, яко на небеса́, ношáшеся превыше иногда́ от земных; сего́ ўбо, душе́ моя́, восходъ помышля́й.

Иорда́нова струя́ пѣрвее мило́тию Илиино́ю Елиссѣем ста сю́ду и сю́ду; ты же, о душе́ моя́, сея́ не причастілася еси́ благодáти за невоздержáние.

Елиссѣй иногда́ приѣм мило́ть Илиину́, прият сугубую благодáть от Гóспода; ты же, о душе́ моя́, сея́ не причастілася еси́ благодáти за невоздержáние.

Соманітида иногда́ праведнаго учреди́, о душе́, нра́вом благім; ты же не ввелá еси́ в дом ни странна, ни пúтника; тѣмже черто́га изринешися вон, рыда́ющи.

Гиезіев подража́ла еси́, окаянная, рáзум сквѣрный всегда́, душе́, егóже сребролю́бие отложи́ понé на старóсть, бѣгай геенскаго огня́, отступівши злых твои́х.

Ты Озіи, душе́, поревновáвши, сего́ прокажѣние в себѣ стяжа́ла еси́ сугубо: безмѣстная бо мýслиши, беззакóнная же дѣеши; оста́ви, яже імаши, и притецы́ к покая́нію.

Ниневітяны, душе́, слы́шала еси́ кающихся Бóгу, врѣтищем и пѣпелом, сих не подража́ла еси́, но явилáся еси́ злѣйшая всех, прѣжде закóна и по закóне прегрешівших.

Великий покаянный канон

В рове блата слышала еси Иеремію, душе, града Сионя рыданными вопиюща и слез ищуща; подражай сего плачевное житие, и спасешися.

Иона в Фарсис побеже, проразумев обращение ниневитянов, разуме бо, яко пророк, Божие благоутробие; темже ревноваше пророчеству не солгаться.

Данийла в рове слышала еси, како заградил уста, о душе, зверей; уведела еси, како отроцы, иже о Азари, погасиша верою печи пламень горящий.

Ветхаго Завета вся приведох ти, душе, к подобию; подражай праведных боголюбивая деяния, избегни же паки лукавых грехов.

Правосуде Спасе, помилуй и избави мя огня и прещения, еже имам на суде праведно претерпети, ослаби ми прежде конца, добродетелию и покаянием.

Яко разбойник, вопию Ти: помяни мя; яко Петр, плачу горце: ослаби ми, Спасе; зову, яко мытарь, слезю, яко блудница; прими мое рыдание, якоже иногда хананеино.

Гноение, Спасе, исцели смиренные моея души, Едины Врачу, пластырь мне наложи, и елей, и вино, дела покаяния, умиление со слезами.

Хананею и аз подражая, помилуй мя, вопию, Сыне Давидов; касаюся края ризы, яко кровоточивая; плачу, яко Марфа и Марія над Лазарем.

Слезную, Спасе, сткляницу, яко миро истощавая на главу, зову Ти, якоже блудница, милости ищущая, мольбу приношу и оставление прошу прияти.

Аще и никтоже, якоже аз, согрешил Тебе, но обаче прими и мене, благоутробне Спасе, страхом кающася и любовью зовуща: согреших Тебе Единому, помилуй мя, Милостиве.

Пощади, Спасе, Твое создание, и взыщи, яко Пастырь, погибшее, предвари заблудшаго, восхити от волка, сотвори мя овча на пастве Твоих овец.

Егда, Судие, сядеши, яко благоутробен, и покажеш страшную славу Твою, Спасе; о, каковый страх тогда, печи горячей, всем боящимся нестерпимаго Судилища Твоего!

Преподобная мати Маріе, моли Бога о нас.

Света незаходимаго Мати ты просветивши, от омрачения страстей разреши; темже вшедши в духовную благодать, просвети, Маріе, ты верно восхваляющая.

В четверток на утрени

Преподобная мати Маріе, моли Бóга о нас.

Чúдо нóво вíдев, ужасáшеся божéственный в тебé во́истинну, мати, Зосíма: Ангела бо зря́ше во плóти и ўжасом весь исполня́шеся, Христа́ поя́ во вéки.

Преподобне óтче Андрее, моли Бóга о нас.

Яко дерзновéние имый ко Гóсподу, Андрее Крítский, честна́я похвалó, молю́, моли́ся разрешéние от уз беззакóния ны́не обрести́ мне моли́твами тво́ими, я́ко покая́ния учíteль и преподóбных сла́ва.

Благословím Отца́ и Сы́на и Свята́го Дúха, Гóспода.

Безнача́льне Отче, Сы́не Собезнача́льне, Утéшителю Благій, Дúше Пра́вый; Сло́ва Бóжия Родíteлю, Отца́ Безнача́льна Сло́ве, Дúше Живый и Зи́ждяй, Трóице Едíнице, помíлуй мя.

И ны́не и прíсно и во вéки векóв. Амíнь.

Яко от оброщéния червлени́цы, Пречи́стая, ўмная багрянíца Емману́илева внутрь во чрэ́ве Твоём Плоть истка́ся; тёмже Бого-рóдицу во́истинну Тя почита́ем.

Хва́лим, благословím, покланя́емся Гóсподеви, пою́ще и превозно́сяще во вся вéки.

Ирмос: Егóже во́инства:

Поем Честнейшую:

Песнь 9

Трипеснец, глас 8:

Ирмос (читается): Во́истинну Богорóдицу Тя испове́дуем, спасéннии Тобо́ю, Дéво Чíстая, с безплóтными ли́ки Тя велича́юще.

Святи́и апóстоли, моли́те Бóга о нас.

Исто́чницы спасíteльныя воды́ я́вльшеся, апóстоли, иста́явшую дúшу мою́ грехóвною жа́ждою оросíte.

Святи́и апóстоли, моли́те Бóга о нас.

Пла́вающаго в пучíне погíбели и в погружéнии ужé бýвша, Твоёю десни́цею, я́коже Петра́, Гóсподи, спаси́ мя.

Святи́и апóстоли, моли́те Бóга о нас.

Яко со́ли, вку́сных сýще учéний, гни́льство ума́ моего́ изсушите́ и невéдения тьму́ отженíte.

Пресвята́я Богорóдице, спаси́ нас.

Ра́дость я́ко родíвшая, плач мне пода́ждь, имже Божéственное утешéние, Влады́чице, в бúдущем дни обрести́ возмо́гу.

Великий покаянный канон

Иный трипеснец, ирмос: Тя, Небесé и земли Ходáтаицу:

Святíи апóстоли, моли́те Бóга о нас.

Тя, благосла́вное апóстольское собра́ние, пёсньми велича́ем: вселённей бо свети́ла свётлая яви́стеся, прёлесьть отгоня́ще.

Святíи апóстоли, моли́те Бóга о нас.

Благовёстною мре́жею ва́шею словесны́я ры́бы улови́вше, сия́ приноси́те всегда́ снедь Христу́, апóстоли блаже́ннии.

Святíи апóстоли, моли́те Бóга о нас.

К Бóгу ва́шим проше́нием помяни́те нас, апóстоли, от вся́кого изба́витися искуше́ния, мо́лимся, любóвию воспева́ющия вас.

Пресвята́я Трóице, Бóже наш, сла́ва Тебе́.

Тя, Триипоста́сную Еди́ницу, Отче, Сы́не со Ду́хом, Еди́наго Бóга Единосу́щна пою́, Трóицу Единосильную́ и Безнача́льную.

Пресвята́я Богоро́дице, спаси́ нас.

Тя, Детороди́тельницу и Дёву, вси́ ро́ди, ублажа́ем, я́ко Тобо́ю изба́вльшеся от кля́твы: ра́дость бо нам роди́ла еси́, Го́спода.

И паки Великаго канона ирмос и тропари.

Без се - мен - на - го за - ча - ти - я рож - дест - во не - ска -

зан - но - е, Ма - те - ре без - муж - ны - я не - тле - нен

Плод, Бо - жи - е бо рож - де - ни - е об - нов - ля - ет

В четверток на утрени

ес - тест - ва. Тем - же Тя, вси ро - ди, я - ко

Бо - го - не - вест - ну - ю Ма - терь, пра - во -

слав - но ве - ли - ча - ем. - ча - ем.

упрощенный вариант окончания

Помілуй мя, Бóже, помілуй мя.

Ум острупіся, тѣло оболѣзнися, недугует дух, слово изнеможе, житіе умертвися, конец при двѣрех. Тѣмже, моя окаянная душѣ, что сотвориши, егда придет Судія испытати твоѣ?

Моисеево приведох ти, душѣ, миробытіе, и от того все заветное Писание, повѣдающее тебѣ праведныя и неправедныя; от нихже вторыя, о душѣ, подражала еси, а не первыя, в Бóга согрѣшивши.

Закон изнеможе, празднует Евангелие, Писание же все в тебѣ небрежено бысть, пророцы изнемогоса, и все праведное слово; струпи твои, о душѣ, умножишася, не сущу врачу, исцеляющему тя.

Новаго привожду ти Писания указанія, вводящая тя, душѣ, ко умилению: праведным убо поревнуй, грѣшных же отвращайся и умилостиви Христа молитвами же, и пощеньми, и чистотою, и говѣнием.

Христос вочеловечися, призвав к покаянью разбойники и блудницы; душѣ, покайся, дверь отверзется Царствия уже, и предвосхищают е фарисее, и мытари, и прелюбодѣи кающися.

Великий покаянный канон

Христос вочеловечися, плоти приобщився ми, и вся елика суть естества хотением исполни, грехá кроме, подобие тебе, о душе, и образ показуя Своего снизождѣния.

Христос волхвы спасе, пастыри созва, младенец множества показá мученики, старцы прослави и старыя вдовицы, ихже не ревновала еси, душе, ни деянием, ни житию; но горе тебе, внигда будеши судитися.

Постився Господь дней четырёхдесятъ в пустыни, последи взалка, показуя человеческое; душе, да не разленишия, аще тебе приложится враг, молитвою же и постом от ног твоих да отразится.

Христос искушашеся, диавол искушаше, показуя камень, да хлеби будут; на гору возведе, видети вся царствия мира во мгновении; убойся, о душе, ловления, трезвися, молися на всякий час Богу.

Горлица пустыннолюбная, глас вопиющаго возгласи, Христов светильник, проповедуяй покаяние; Ирод беззаконнова со Иродиадою. Зри, душе моя, да не увязнеши в беззаконныя сети, но облобызай покаяние.

В пустыню вселися благодати Предтеча, и Иудея вся и Самария, слышавше, течаху и исповедаху грехи своя, крещаемые усердно; ихже ты не подражала, еси, душе.

Брак убо честный и ложе нескверно, обоя бо Христос прежде благослови, плотию ядый, и в Кане же на браце воду в вино совершая, и показуя первое чудо; да ты изменишия, о душе.

Разслабленнаго стягну Христос, одр вземша, и юношу умерша воздвиже, вдовиче рождение, и сотника отрока, и самаряныне явися; в душе службу тебе, душе, предживописа.

Кровоточивую исцели прикосновением края ризна Господь, прокаженные очисти, слепыя и хромыя просветив, исправи, глухия же и немыя и ничашия низу исцели словом, да ты спасешия, окаянная душе.

Недуги исцеляя, нищим благовествоваше Христос Слово, вредныя уврачевá, с мытаря ядыше, с грешники беседоваше, Иаиры дщере душу предумершую возврати осязанием руки.

Мытарь спасашеся, и блудница целомудрствоваше, и фарисей, хваляся, осуждашеся. Ов убо: очисти мя; ова же: помилуй мя; сей же величашеся вопия: Боже, благодарю Тя! и прочия безумныя глаголы.

В четверток на утрени

Закхей мытарь бе, но обаче спасашеся, и фарисей Симон соблажняшеся, и блудница приимаше оставительная разрешенія от Имущаго крепость оставляти грехи; юже, душе, потщися подражати.

Блуднице, о окайнная душе моя, не поревновала еси, яже, приемиши мира алавастр, со слезами мазаше ноге Спасове, отрече же власы, древних согрешений рукописание Раздирающаго ея.

Грады, имже даде Христос благовестие, душе моя, уведала еси, како прокляти быша; убойся указания, да не будеши якоже оны, ихже содомляном Владыка уподобив, даже до ада осуди.

Да не горшая, о душе моя, явишися отчаянием, хананеи веру слышавшая, еяже дщи словом Божиим исцелися; Сыне Давидов, спаси и мене, воззови из глубины сердца, якоже она Христу.

Умилосердися, спаси мя, Сыне Давидов, помилуй, беснующияся словом исцелимый, глас же благоутробный, яко разбойнику, мне рцы: аминь, глаголю тебе, со Мною будеши в рай, егда прииду во славе Моей.

Разбойник оглаговаше Тя, разбойник богословяше Тя: оба бо на кресте свисае. Но, о Благоутробне, яко верному разбойнику Твоему, познавшему Тя Бога, и мне отверзи дверь славнаго Царствия Твоего.

Тварь содрогашеся, распинаема Тя видящи, горы и каменья страхом распадохуся, и земля сотрясашеся, и ад обнажашеся, и соомрачашеся свет во дне, зря Тебе, Иисусе, пригвождена ко Кресту.

Достойных покаяния плодов не истяжи от мене, ибо крепость моя во мне оскуде; сердце мне даруй присно сокрушенное, нищету же духовную; да сия Тебе принесу яко приятную жертву, Единому Спасе.

Судие мой и Ведче мой, хотяй паки приити со Ангелы судити миру всему, милостивным Твоим оком тогда видеви мя, пощадив и ущедри мя, Иисусе, паке всякаго естества человека согрешивша.

Преподобная мати Марие, моли Бога о нас.

Удивила еси всех странным житием твоим, Ангелов чины и челоуков соборы, невещественно поживши и естество прешедши, имже, яко невещественными ногами вшедши, Марие, Иордан прешла еси.

Преподобная мати Марие, моли Бога о нас.

Умилостиви Создателя о хвалящих тя, преподобная мати, избавитися озлоблений и скорбей, окрест нападающих; да избавившеся от напастей, возвеличим непрестанно прославльшаго тя Господа.

Великий покаянный канон

Преподобне отче Андрее, моли Бога о нас.

Андрее честный и отче преблаженнейший, пастырю Критский, не престаи моляся о воспевающих тя: да избавимся вси гнева, и скорби, и тления, и прегрешений безмерных, чтущии твою память верно.

Слава Отцу и Сыну и Святому Духу.

Троице Единосущная, Единице Триипостасная, Тя воспеваем, Отца славяще, Сына величающе и Духу поклоняющеся, Единому Естеству воистинну, Богу, Жизни же и живущему Царству безконечному.

И ныне и присно и во веки веков. Аминь.

Град Твой сохраняй, Богородительнице Пречистая, в Тебе бо сей верно царствуй, в Тебе и утверждается, и Тобою побеждаяй, побеждает всякое искушение, и пленяет ратники, и проходит послушание.

Таже оба лика вкупе поют ирмос:

Безсеменнаго зачатия Рождество несказанное, / Матере безмужныя нетленен Плод, / Божие бо рождение обновляет естества. / Темже Тя, вси роди, / яко Богоневестную Матерь, // православно величаем.

Ектения малая.

Светилен гласа, по первом прочтении припеваем к нему:

Молитвами, Господи, апостол Твоих и святителя Николая, и спаси мя.

На Славу, по втором прочтении:

Молитвами, Господи, святых Твоих, и спаси мя.

На И ныне, по третьем прочтении:

Молитвами, Господи, Богородицы, и спаси мя.

И абие псалмы хвалитные, Хвалите Господа с небес: И славословие вседневное.

Ектения просительная.

На стиховне самогласен, дважды. Глас 8:

В разбойническаго пути впадши, душе моя, / люте уязвлена еси от своих согрешений, / предавшись неразумным врагом. / Но, яко имущая время, во умилении возопий: / Упование ненадежных, Животе отчаявшихся, // Спасе, возстави и спаси мя.

Стих: Исполнихомся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни, в няже смирил ны еси, лета, в няже видехом злая. И призри на рабы Твоя и на дела Твоя, / и настави сыны их.

В разбойническаго пути:

В четверток на утрени

Стих: И буди светлость Господа Бога нашего на нас, и дела рук наших исправи на нас, / и дело рук наших исправи.

Мученичен: Во броня веры обокшеша добре, / и образом крестным вооруживше себе, / воины благомощнии покажутся, / мучителем мужески противистеся, / и диаволу прелесть потребисте, / победителе бывше, венцев сподобистеся: / молитесь Христу о нас, // во еже спастися душам нашим.

Слава, и ныне, Богородичен: Приими гласы раб Твоих, / Всечистая Богородице Дево, / и моли непрестанно / грехов разрешение // и мир даровати нам.

Посем: Благо есть: единощи, посем Трисвятое, по Отче наш: В храме стояще: Господи помилуй (40) и окончание утрени обычное. Поклонов же Ефрема Сирина кладем три, и на часех также.*

Совокупляем же и час первый, без стихословия.

Тропари на часах: Заутра услыши: Господи, иже Пресвятаго: и прочая, не поются, а читаются. По Трисвятом кондак: Душе моя: И на всех часех и изобразительных также. Блаженны поскорю, без пения.

Стихословим на третьем часе кафисму 9, на шестом — 10, на девятом — 11.

Вечерню совершаем в свое время, по нейже последование Преждеосвященных.

На трапезе же ядим елей и вино прием, труда ради бденнаго.




* По поводу количества поклонов в конце утрени и на часах Типикон пишет не очень конкретно («поскорю, труда ради бденнаго»). Это привело к серьезным расхождениям между В. Розановым («Богослужбный устав Православной Церкви», М., 1902), К. Никольским («Пособие к изучению устава богослужения» СПб., 1907) и «Богослужбными указаниями», изданными Московской Патриархией в разные годы. Мы помещаем «усредненный» вариант, изложенный, в частности, в 11-й Марковой главе Типикона за 24 февраля.

Приложение

Избранные песнопения Великого канона

Ирмосы <i>Киево-Печерского распева</i>	47
Ирмосы <i>Московского напева, гарм. архим. Матфея (Мормыля)</i>	55
Кондак <i>по напеву ирмосов Д. Бортнянского</i>	62
Кондак <i>древнего напева</i>	63



Житие преподобной Марии Египетской,

списанное Софронием Иерусалимским.....	64
--	----